



Kirkerådet
Postboks 799 Sentrum
0106 OSLO

Dato: 03.11.2020

Vår ref: 20/04157-3

Dykkar ref:

Høyringsuttale frå Møre bispedømmeråd - særskilde reglar for digitalførehandsrøysting

Møre bispedømmeråd gjorde dette vedtaket i møte 2. november 2020 under sak 70/20: Høyring: Særskilde reglar for digital førehandsrøysting ved kyrkjevalet

Vedtak

Møre bispedømmeråd ønskjer å gjennomføre digital førehandsrøysting ved kyrkjevalet 2023 og støttar dei lov- og regelendringar som må til, slik det går fram av saksutgreiinga. Føresetnaden er at ein i tillegg vidarefører tilbodet om fysisk førehandsrøysing.

Saksorientering

Kyrkjerådet undersøker for tida om det let seg gjere å få til førehandsrøysting til kyrkjevalet over internett. Kyrkjerådet vurderer ei omlegging til digital førehandsrøysting som ei stor forbetring av valgjennomføringa og held fram at digital førehandsrøysting vil gjere valet enklare for veljaren og føre til auka deltaking. Høyringsuttalen presenterer reglar for ei slik digital førehandsrøysting og ber om at høyringsinnstansane tek stilling til desse.

Ved kommunevalet aukar prosenten som førehandsrøyster. Ein har ikkje sett same utvikling ved kyrkjevalet, men ein har registrert at fleire etterspør høve til å førehandsrøyste til kyrkjevalet, samstundes som ein førehandsrøyster ved kommunevalet.

Planen ved kyrkjevalet i 2023 er å innføre tilbod om digital førehandsrøysting til alle veljarane, samstundes som ein ønskjer å vidareføre tilbodet om fysisk førehandsrøysting.

Administrasjonen sitt framlegg til høyringsuttale går ikkje inn på dei einskilde reglane/forskriftene eller gjer innspel til val av ordlyd, men summerer opp og vurderer med utgangspunkt i dei problemstillingar som høyringsuttalen skisserer.

Hemmeleg val

Når ein røyster digitalt, kan ein endre røysta si fram til valdagen. Den siste røysta blir teljande. Om ein røyster ved fysisk frammøte og vil endre denne, kan ein gi ny førehandsstemme, eller røyste digitalt. Den digitale stemma vil alltid ha fortrinn. Ein kan såleis ikkje endre si digitale førehandsrøyst ved å gi ny stemme ved fysisk frammøte. Bispedømmerådet understrekar, for å sikre hemmeleg val, at førehandsrøysting skal skje i eige avlukke, også i vallokale som legg til rette for digital røysting.

Tryggleik

Bispedømerådet støttar at forslaget til reglar set sterke krav til datatryggleik og ein legg opp til at ein lyt bruke pålogging etter tryggleiksnivå 4 (pålogging med BankID). Vidare ønskjer ein å sikre at ein ikkje utfrå førehandsrøystene kan lese informasjon om veljarane. Dette kan ein oppnå ved å dekkryptere dei digitale førehandsrøystene. Andre moglege personvernkonsekvensar vil bli konsultert i det vidare arbeidet.

Informasjon til veljarane

Bispedømerådet meiner er viktig å sikre at veljarane får same informasjon om valet, uavhengig om ein stemmer fysisk eller digitalt.

Gjennomføring av førehandsrøystinga

Bispedømerådet rår til at ein stenger høve til digital førehandsrøysting innan utgangen av onsdag før valdagen. Grunnen er å ein treng tid til å handsame røystene og importere til valmodulen kven som har røysta. Sidan ein ikkje har online tilgang til valmodulen i alle vallokale, lyt ein ha utskrift av oppdatert medlemsregister over kven som har røysta. Då får ein kontrollere at dei som har gitt digital førehandsrøyst ikkje får høve til å gi stemme på valdagen. Om denne kontrollen ikkje blir gjort rett, kan ein risikere at ein veljar får røyste fleire gonger.

Oppteljing og valoppgjær

Bispedømerådet støttar at ein tek sikte på å leggje inn dei digitale førehandsrøystene inn i valmodulen innan kl. 21.00 på valdagen, slik at dei er tilgjengelege ved oppteljinga. Om vallokalet stengjer før kl. 21.00, lyt ein vere klar over at ein då lyt vente på dei digitale førehandsrøystene før ein gjer valresultatet kjent.

Publisere resultat

Når resultatet av førehandsrøystinga kan skjer kl. 21.00 på valdagen, vil det allereie valnatta gi høve til å lage prognoser for valresultatet.

Internettvalstyre

Bispedømerådet vil gå inn for å etablere eit nasjonalt internettvalstyre i samband med den digitale førehandsrøystinga.

Økonomiske og administrative konsekvensar

Kyrkjerådet legg til grunn at dei kyrkjelege vala vil bli finansiert som i dag. Finansiering av planlegging og digital gjennomføring er teke med inn i satsingsområdet «Digital kyrkje». Ein lyt rekne auka kostnader knytt til å drift av og administrativ støtte til eit internettvalstyre.

Med helsing

Bjørn Olaf Storhaug
stiftsdirektør

Arvid Helle
leiar kyrkjefagavdelinga

Dokumentet er elektronisk godkjend og har difor ingen signatur.

Mottakaras:
Kirkerådet

Postboks 799
Sentrum

0106 OSLO